



NACRT

**PRAVILNIK
O UTVRĐIVANJU USLOVA, KRITERIJA I POSTUPKA
ODOBRAVANJA FINANSIJSKE POMOĆI U LIJEČENJU
BRANILACA I ČLANOVA NJIHOVIH PORODICA NA PODRUČJU
OPĆINE LUKAVAC**

Strana 1 od 10



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300
Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Na osnovu člana 41. Statuta općine Lukavac („Službeni glasnik općine Lukavac“, broj 5/08. i 1/14.), Općinski načelnik općine Lukavac donosi

P R A V I L N I K

o utvrđivanju uslova, kriterija i postupka odobravanja finansijske pomoći u liječenju branilaca i članova njihovih porodica na području općine Lukavac

I. OPĆE ODREDBE

Član 1. (Predmet Pravilnika)

(1) Ovim Pravilnikom utvrđuju se uslovi, kriteriji i postupak odobravanja finansijskih sredstava za pomoć u liječenju branilaca i članova njihovih porodica sa područja općine Lukavac, kao i način isplate odobrenih finansijskih sredstava.

(2) Prava iz stava (1) ovog člana ostvaruju se u skladu sa ovim Pravilnikom i planiranim i raspoloživim sredstvima u budžetu općine Lukavac.

Član 2. (Finansijska sredstva)

Finansijska sredstva za odobravanje finansijske pomoći u liječenju branilaca i članova njihovih porodica na području općine Lukavac obezbeđuju se u budžetu općine Lukavac u okviru općinske službe nadležne za boračko-invalidsku zaštitu na poziciji „transfer za liječenje boračke populacije“.

II. KORISNICI PRAVA

Član 3. (Korisnici prava)

(1) Pravo na odobravanje finansijske pomoći u liječenju imaju branioci i članovi njihovih porodica u skladu sa čl. 10. Zakona o dopunskim pravima branilaca i članova njihovih porodica („Službene novine TK“, broj: 5/12, 5/14 i 12/16).

(2) Pravo na finansijsku pomoć u liječenju podnositelj zahtjeva iz stava (1) ovog člana može ostvariti samo jedanput u toku jedne kalendarske godine za svakog člana porodičnog domaćinstva.

III. NAMJENA FINANSIJSKIH SREDSTAVA

Član 4. (Namjena sredstava)

Finansijska sredstva se mogu odobriti za pomoć u liječenju branilaca i članova njihovih porodica u:

- a) inostranstvu,
- b) Bosni i Hercegovini.

A) LIJEČENJE U INOSTRANSTVU

Član 5. (Uslovi za ostvarivanje prava u inostranstvu)

Pravo na finansijska sredstva za pomoć u liječenju u inostranstvu podnositac zahtjeva može ostvariti pod uslovom da:

- a) ima prijavljeno mjesto prebivališta na području općine Lukavac, odnosno mjesto boravišta u statusu raseljenog lica,
- b) ostvaruje pravo iz oblasti boračko-invalidske zaštite putem nadležne općinske službe za boračko-invalidsku zaštitu,
- c) nadležna konzilijsarna ljekarska komisija na osnovu medicinske dokumentacije predloži liječenje u inostranstvu, jer je u pitanju oboljenje koje se ne može uspješno liječiti u Bosni i Hercegovini,
- d) priloži račun sa dokazom da je izvršeno plaćanje liječenja i
- e) se zahtjev podnese najkasnije u roku od godinu dana od obavljenog liječenja u inostranstvu.

Član 6. (Visina novčane pomoći za liječenje u inostranstvu)

Visina novčane pomoći koja se može odobriti podnosiocu zahtjeva za liječenje u inostranstvu utvrđuje se u maksimalnom iznosu do 50% sredstava od priloženih računa, odnosno u maksimalnom iznosu do 3.000,00 KM.

B) LIJEČENJE U BOSNI I HERCEGOVINI

Član 7. (Uslovi za ostvarivanje prava u Bosni i Hercegovini)

Pravo na finansijska sredstva za pomoć u liječenju u Bosni i Hercegovini podnositac zahtjeva može ostvariti pod uslovom da:

- a) ima prijavljeno mjesto prebivališta na području općine Lukavac, odnosno mjesto boravišta u statusu raseljenog lica,
- b) ostvaruje pravo iz oblasti boračko-invalidske zaštite putem nadležne općinske službe za boračko-invalidsku zaštitu,
- c) živi u porodičnom domaćinstvu gdje se ostvaruju mjesecna novčana primanja po članu domaćinstva do 25,00% prosječne neto plaće ostvarene u Federaciji Bosne i Hercegovine u prethodnoj godini prema podacima Zavoda za statistiku Federacije Bosne i Hercegovine i
- d) priloži medicinsku dokumentaciju ne stariju od šest (6) mjeseci od momenta podnošenja zahtjeva.

Član 8. (Kriterij za utvrđivanje visine finansijskih sredstava za pomoć u liječenju u Bosni i Hercegovini)

(1) Kriterij za utvrđivanje visine finansijskih sredstava za pomoć u liječenju u Bosni i Hercegovini je isključivo imovinski cenzus podnosioca zahtjeva.

(2) Imovinski cenzus podnosioca zahtjeva i članova njegovog porodičnog domaćinstva obuhvata sva primanja, izuzev novčanih prinadležnosti po osnovu boračko-invalidske zaštite i socijalne zaštite, i određuje se na osnovu prosječne neto plaće u prethodnoj godini u Federaciji Bosne i Hercegovine prema zvanično objavljenom podatku Zavoda za statistiku Federacije Bosne i Hercegovine.

(3) Imovinski cenzus se dokazuje odgovarajućim dokumentima izdatim od strane nadležnih organa.

(4) Pod članom porodičnog domaćinstva u smislu ovog člana podrazumijevaju se: bračni/vanbračni drug i djeca rođena u braku ili van braka, usvojena i pastorčad, pod uslovom da žive u zajedničkom domaćinstvu sa korisnikom.

Član 9. (Vrsta oboljenja)

(1) Finansijska sredstva iz člana 2. ovog Pravilnika mogu se odobriti za pomoć u liječenju u Bosni i Hercegovini ako se radi o sljedećim bolestima:

a) respiratorne bolesti:

1. bolesti pluća praćene trajnim oštećenjem respiratorne funkcije sa vrijednostima FVC, FEV 1 i FEV 1-FVC ispod 40%,

2. apces pluća i medij astinuma,

3. piotorax,

4. respiratori distres sindrom,

b) bolesti koštano-mišićnog sistema i vezivnog tkiva:

1. direktna infekcija zglobova kod infektivnih i parazitnih oboljenja,

2. seropozitivni reumatoidni artritis, kada je bolesnik nesposoban za bilo kakve aktivnosti ili vezan za postelju i invalidska kolica,

3. ankolizirajući spondilitis,

4. protruzija intertebralnog diskusa praćene komplikacijama (težim funkcionalnim oštećenjem nerava, mišića, propuštanjem sfinktera) koje zahtijevaju intenzivan i drugotrajan tretman,

5. kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima,

c) neuromišićne bolesti:

1. progresivna neuromišićna oboljenja,

2. multipla skleroza,

3. mijastenija gravis,

4. epilepsija nekontrolisana ili rezistentna na terapiju,

5. nezarazni encefalitisi i encefalomijalitisi,

d) specifična stanja koja zahtijevaju skupi i doživotni tretman:

1. transplantacija organa,

2. transplantacija koštane srži,

3. stanja poslijе operativnih zahvata na srcu, mozgu i plućima koja zahtijevaju duže bolničko liječenje, rehabilitaciju i intenzivni medikamentozni tretman.

e) ostala oboljenja

1. infarkt – srčani ili moždani,

2. maligni tumori.

(2) Za oboljenja utvrđena u stavu (1) tačka d) alineja 3., podnositelj zahtjeva ima pravo na finansijska sredstva najkasnije u roku od godinu dana od dana izvršenog operativnog zahvata prema medicinskoj dokumentaciji.

(3) Za oboljenja utvrđena u stavu (1) tačka e) alineja 1., podnositelj zahtjeva ima pravo na finansijska sredstva najkasnije u roku od godinu dana nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

(4) Za oboljenja utvrđena u stavu (1) tačka e) alineja 2., podnositelj zahtjeva ima pravo na finansijska sredstva najkasnije u roku od pet (5) godina nakon uspostavljene dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

(5) Finansijska sredstva iz stava (1) ovog člana mogu se odobriti samo za nabavku lijekova neophodnih za liječenje bolesti iz stava (1) ovog člana i troškova liječenja.

Član 10.
(Visina novčane pomoći za liječenje u Bosni i Hercegovini)

- Visina novčane pomoći za oboljenja iz člana 9. ovog Pravilnika iznosi:
- a) podnositelj zahtjeva i članovi porodičnog domaćinstva bez prihoda.....500,00 KM
 - b) podnositelj zahtjeva i članovi porodičnog domaćinstva čiji su prihodi po članu porodičnog domaćinstva do 5% prosječne neto plaće u FBiH u prethodnoj godini.....400,00 KM
 - c) podnositelj zahtjeva i članovi porodičnog domaćinstva čiji su prihodi po članu porodičnog domaćinstva od 5,10 do 10,00% prosječne neto plaće u FBiH u prethodnoj godini.....350,00 KM
 - d) podnositelj zahtjeva i članovi porodičnog domaćinstva čiji su prihodi po članu porodičnog domaćinstva od 10,10 do 15,00% prosječne neto plaće u FBiH u prethodnoj godini.....300,00 KM
 - e) podnositelj zahtjeva i članovi porodičnog domaćinstva čiji su prihodi po članu porodičnog domaćinstva od 15,10 do 20,00% prosječne neto plaće u FBiH u prethodnoj godini kao i samci sa minimalnim iznosom penzije..... 250,00 KM
 - f) podnositelj zahtjeva i članovi porodičnog domaćinstva čiji su prihodi po članu porodičnog domaćinstva od 20,10 do 25,00% prosječne neto plaće u FBiH u prethodnoj godini..... 200,00 KM

Član 11.
(Izuzetak)

(1) Izuzetno, novčana pomoć za liječenje u Bosni i Hercegovini se može odobriti i za oboljenja koja nisu navedena u članu 9. ovog Pravilnika, pri čemu se kao kriterij za visinu pomoći uzima imovinski cenzus.

(2) Rješenje o utvrđivanju prava na novčanu pomoć i odluku o odobravanju novčane pomoći iz prethodnog stava na prijedlog komisije iz čl. 13. ovog Pravilnika donosi nadležna služba za boračko-invalidsku zaštitu uz saglasnost Općinskog načelnika.

IV. POSTUPAK RAZMATRANJA ZAHTJEVA I ODLUČIVANJA

Član 12.
(Podnošenje zahtjeva i potrebna dokumentacija)

(1) Dodjela finansijskih sredstava iz člana 2. ovog Pravilnika vrši se na osnovu pisanih zahtjeva, čiji je obrazac sastavni dio ovog Pravilnika.

(2) Zahtjev sa potrebnom dokumentacijom se podnosi nadležnoj općinskoj službi za boračko-invalidsku zaštitu putem šalter sale općine Lukavac.

Član 13.
(Komisija za razmatranje zahtjeva)

(1) Općinski načelnik na prijedlog nadležne općinske službe za boračko-invalidsku zaštitu imenuje komisiju sastavljenu od 2 (dva) predstavnika službe za boračko-invalidsku zaštitu, 1 (jednog) doktora medicine i 2 (dva) predstavnika Savjeta boračkih organizacija.

(2) Komisija razmatra zahtjeve jednom mjesечно, a po potrebi i više puta, može razmatrati i donositi prijedlog ako je prisutno više od polovine članova, a prijedlog donosi većinom glasova prisutnih članova.

(3) Komisija, u pravilu, radi bez naknade, a za stručni dio angažmana doktora medicine može se utvrditi naknada.

(4) Komisija iz stava 1. ovog člana daje prijedlog u pogledu utvrđivanja vrste oboljenja prema priloženoj medicinskoj dokumentaciji i iznosu finansijskih sredstava za odobravanje novčane pomoći u svrhu donošenja odgovarajućeg rješenja.

Član 14.
(Prvostepeni postupak)

(1) Podnositelj zahtjeva koji ne ispunjava uslove iz člana 3., 5. i 7. ovog Pravilnika odbija se odgovarajućim rješenjem nadležne općinske službe za boračko-invalidsku zaštitu po prijedlogu komisije iz čl. 13.

(2) Ukoliko se utvrdi da podnositelj zahtjeva ispunjava uslove iz člana 3., 5. i 7. ovog Pravilnika, nadležna općinska služba za boračko-invalidsku zaštitu spis predmeta dostavlja komisiji iz člana 13. ovog Pravilnika radi davanja prijedloga u pogledu vrste oboljenja prema priloženoj medicinskoj dokumentaciji i iznosu finansijskih sredstava za odobravanje novčane pomoći.

(3) Na osnovu prijedloga komisije iz stava (2) ovog člana, nadležna općinska služba za boračko-invalidsku zaštitu donosi rješenje o utvrđivanju prava i odluku o odobravanju novčane pomoći.

Član 15.
(Odlučivanje po žalbi)

(1) Protiv rješenja nadležne općinske službe za boračko-invalidsku zaštitu iz člana 14. stav (1) ovog Pravilnika, podnositelj zahtjeva ima pravo žalbe u roku od 15 dana od dana dostavljanja rješenja komisiji za rješavanje u drugostepenom postupku.

(2) Protiv rješenja donezenog u drugostepenom postupku može se pokrenuti upravni spor kod nadležnog suda.

Član 16.
(Način isplate sredstava i izvještaj o utrošku sredstava)

(1) Isplata odobrenih finansijskih sredstava vrši se putem nadležne općinske službe za budžet i finansije.

(2) Nadležna općinska služba za boračko-invalidsku zaštitu dužna je do 10-tog u mjesecu podnijeti izvještaj Općinskom načelniku općine Lukavac o utrošku odobrenih sredstava za sve podnosioce zahtjeva kojima su isplaćena sredstva za prethodni mjesec.

Član 17.
(Prijelazne i završne odredbe)

Stupanjem na snagu ovog Pravilnika prestaje da važi Pravilnik o kriterijima i postupku za odobravanje jednokratne finansijske pomoći u liječenju branilaca i članova njihovih porodica na području općine Lukavac ("Službeni glasnik općine Lukavac", broj: 1/17).

Član 18.
(Stupanje na snagu i objavljivanje)

Ovaj Pravilnik stupa na snagu danom donošenja, a objavit će se u "Službenom glasniku općine Lukavac".

Broj: 02-02-2- /19
Lukavac, 14.03.2019. godine

OPĆINSKI NAČELNIK
Dr. sci. Edin Delić

PRILOG

POPIS

potrebne dokumentacije uz zahtjev za dodjelu finansijskih sredstava za pomoć u liječenju
braničaca i članova njihovih porodica sa područja općine Lukavac

1. ZA LIJEČENJE U INOSTRANSTVU

Redni broj	Naziv dokumenta	Organ koji izdaje dokument
1.	a) za PŠ-PB, RVI i djecu PŠ-PB i RVI posljednje rješenje na snazi, b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana PŠ-PB ili RVI-posljednje rješenje na snazi, c) za dijete PŠ-PB i umrlog RVI koje je izgubilo pravo na porodičnu invalidinu zbog punoljetnosti ili prestanka redovnog školovanja, a koje nije napunilo 25 godina života-posljednje rješenje koje je bilo na snazi, d) dijete poginulog, umrlog ili nestalog dobitnika ratnog priznanja i odlikovanja, koje je izgubilo pravo na mjesecni dodatak zbog punoljetnosti ili prestanka redovnog školovanja, a koje nije napunilo 25 godina života-posljednje rješenje koje je bilo na snazi, e) za DB i dijete DB dokaz o pripadnosti boračkoj populaciji-uvjerenje koje izdaje nadležni organ odbrane, f) udovica umrlog DB - dokaz o pripadnosti boračkoj populaciji koje izdaje nadležni organ odbrane, - izvod iz matične knjige rođenih, - ovjerena izjava sa dva svjedoka da imenovana nije stupila u brak ili vanbračnu zajednicu.	Općinska služba za boračko-invalidsku zaštitu po službenoj dužnosti Odjeljenje odbrane
2.	Kućna lista u kojoj su navedeni svi članovi porodičnog domaćinstva.	Ovjerena kod nadležnog organa
3.	Nalaz Ljekarskog konzilija nadležne ljekarske ustanove da se oboljenje za koje se traže finansijska sredstva ne može uspješno liječiti u Bosni i Hercegovini.	Ljekarski konzilij ovlaštene ljekarske ustanove
4.	Račun sa dokazom da je izvršeno plaćanje troškova liječenja – original ili ovjerena kopija.	
5.	Kopija žiroračuna podnosioca zahtjeva.	

1. ZA LIJEČENJE U BOSNI I HERCEGOVINI

Redni broj	Naziv dokumenta	Organ koji izdaje dokument
1.	a) za PŠ-PB, RVI i djecu PŠ-PB i RVI posljednje rješenje na snazi, b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana PŠ-PB ili RVI-posljednje rješenje na snazi, c) za dijete PŠ-PB i umrlog RVI koje je izgubilo pravo na porodičnu invalidinu zbog punoljetnosti ili prestanka redovnog školovanja, a koje nije napunilo 25 godina života-posljednje rješenje koje je bilo na snazi, d) dijete poginulog, umrlog ili nestalog dobitnika ratnog priznanja i odlikovanja, koje je izgubilo pravo na mjesecni dodatak zbog punoljetnosti ili prestanka redovnog školovanja, a koje nije napunilo 25 godina života-posljednje rješenje koje je bilo na snazi, e) za DB i dijete DB dokaz o pripadnosti boračkoj populaciji-uvjerenje koje izdaje nadležni organ odbrane, f) udovica umrlog DB - dokaz o pripadnosti boračkoj populaciji koje izdaje nadležni organ odbrane, - izvod iz matične knjige rođenih, - ovjerena izjava sa dva svjedoka da imenovana nije stupila u brak ili vanbračnu zajednicu.	Općinska služba za boračko-invalidsku zaštitu po službenoj dužnosti Odjeljenje odbrane
2.	Kućna lista u kojoj su navedeni svi članovi porodičnog domaćinstva.	Ovjerena kod nadležnog organa
3.	Dokaz o zaposlenju svih punoljetnih članova domaćinstva i visina stalnih izvora prihoda (tri posljednje platne liste ili uvjerenje poslodavca o prosjeku plate u posljednja tri mjeseca ili ček od PIO penzije).	
4.	Uvjerenje sa biroa za zapošljavanje za sve nezaposlene članove domaćinstva, a ukoliko se ne vode na birou za zapošljavanje, uvjerenje o statusu iz ispostave porezne uprave.	JU Služba za zapošljavanje Porezna uprava FBiH Isposstava porezne uprave
5.	Uvjerenje iz porezne uprave o postojanju ili nepostojanju obaveza branilaca i punoljetnih članova domaćinstva.	Porezna uprava FBiH Isposstava porezne uprave
6.	Uvjerenje o redovnom školovanju djece.	Obrazovna ustanova
7.	Dokaz o zdravstvenom stanju branioca ili člana domaćinstva izdat od strane ovlaštene zdravstvene ustanove ili stručnog tima-konzilija, ne stariji od šest mjeseci.	Nadležna zdravstvena ustanova ili JZU UKC
8.	Račun sa dokazom da je izvršeno plaćanje u svrhu nabavke lijekova ili za izvršenu medicinsku uslugu – original ili ovjerena kopija.	
9.	Kopija žiroračuna podnosioca zahtjeva.	

OBRAZAC ZAHTJEVA

(ime, ime oca, prezime)

(adresa stanovanja-ulica, broj, poštanski broj i mjesto)

(broj kontakt telefona)

SLUŽBA ZA UPRAVU, DRUŠTVENE DJELATNOSTI,
MLADE I BORAČKO-INVALIDSKU ZAŠITU OPĆINE LUKAVAC

Predmet: Zahtjev za dodjelu finansijskih sredstava za pomoć u liječenju

Poštovani,

Obraćam se naslovu za dodjelu finansijskih sredstava koja su neophodna za liječenje:

- a) u Bosni i Hercegovini,
- b) u inostranstvu,
(zaokružiti).

Sredstva za liječenje su mi potrebna za:

(navesti za koga se zahtjev podnosi)

Obzirom da po odredbama člana 10. Zakona o dopunskim pravima branilaca i članova njihove porodice imam status branioca, jer sam:

- a) član PŠ-PB, odnosno, dijete PŠ-PB,
- b) RVI, odnosno, dijete RVI,
- c) dobitnik ratnog priznanja i odlikovanja, odnosno, dijete dobitnika ratnog priznanja i odlikovanja, ukoliko nema status člana PŠ-PB ili RVI,
- d) dijete PŠ-PB, odnosno, umrlog RVI koje je izgubilo pravo na porodičnu invalidninu zbog punoljetnosti ili prestanka redovnog školovanja, a nisam napunio 25 godina života,
- e) dijete poginulog, umrlog ili nestalog dobitnika ratnog priznanja i odlikovanja, koje je izgubilo pravo na mjesecni dodatak zbog punoljetnosti ili prestanka redovnog školovanja, a nisam napunio 25 godina života,
- f) DB, onosno, dijete DB, i
- g) udovica umrlog DB.

(zaokružiti status korisnika)

Molim naslov da mi na osnovu podnesenog zahtjeva i priložene medicinske dokumentacije dodijeli tražena finansijska sredstva.

svojeručni potpis podnosača zahtjeva

Uz zahtjev prilažem dokumentaciju, kako slijedi:

1. Dokaz o pripadnosti boračkog populaciji izdat od nadležne općinske službe:
 - a) Dokaz o pripadnosti boračkoj populaciji-uvjerenje koje izdaje nadležni organ;
 - b) Izvod iz matične knjige rođenih i vječanih i
 - c) Ovjerenu Izjavu sa dva svjedoka da imenovana nije stupila u brak ili vabračnu zajednicu;
2. Kućnu listu u kojoj su navedeni svi članovi porodičnog domaćinstva;
3. Dokaz o zaposlenju svih punoljetnih članova domaćinstva i visini stalnih izvora prihoda- tri posljednje platne liste ili uvjerenje poslodavca o prosjeku plate u posljednja tri mjeseca ili ček od PIO penzije;
4. Uvjerenje sa biroa za zapošljavanje za sve nezaposlene članove domaćinstva, a ukoliko se ne vode na birou za zapošljavanje, uvjerenje o statusu iz ispostave porezne uprave;
5. Uvjerenje iz porezne uprave o postojanju ili nepostojanju obaveza branilaca i punoljetnih članova domaćinstva;
6. Uvjerenje o redovnom školovanju djece;
7. Original ili ovjerena kopija računa za izvršeno plaćanje u svrhu nabavke lijekova ili za izvršenu medicinsku uslugu;
8. Dokaz o zdravstvenom stanju branioca ili člana domaćinstva izdat od strane ovlaštene zdravstvene ustanove ili stručnog tima-konzilija, ne stariji od šest mjeseci;
9. Kopiju žiroračuna

Za liječenje u inostranstvu potrebno je priložiti dodatnu dokumentaciju i to:

- a) Nalaz Ljekarskog konzilija nadležne ljekarske ustanove da se oboljenje za koje se traže finansijska sredstva ne može uspješno liječiti u Bosni i Hercegovini;
- b) Račun sa dokazom da je izvršeno plaćanje troškova liječenja – original ili ovjerena kopija.